

ՀՀ ԼՈՒՌԻ ՄԱՐԶՊԵՏ
ԱՆԴՐԵՅ ՂՈՒԿԱՍՅԱՆԻՆ

ՀՀ ԱՌՈՂՋԱՊԱՀՈՒԹՅԱՆ ՆԱԽԱՐԱՐ
ԱՐՍԵՆ ԹՈՐՈՍՅԱՆԻՆ

ԵԶՐԱԿԱՑՈՒԹՅՈՒՆ

Ուսումնասիրելով Գևորգ Պետրոսի Ազարյանի կողմից գրված Մրցույթի կազմակերպության զարգացման նախնական ծրագրի վերաբերյալ փուլի արդյունքները ուղղորդված լինելու մասին դիմում-բողոքը, Մրցութային փաթեթը, մրցութային հանձնաժողովի արձանագրությունները, որոշումները և Գևորգ Պետրոսի Ազարյանի մասնակցության մասով ձայնագրությունները՝ բողոքարկման հանձնաժողովը եզրակացրեց.

1. ՀՀ Լոռու մարզի «Ալավերդու բժշկական կենտրոն» փակ բաժնետիրական ընկերության տնօրենի թափուր պաշտոնի համար 2019 թվականի հոկտեմբերի 8-ին Լոռու մարզպետարանում անցկացված մրցույթը անցել է Հայաստանի Հանրապետության կառավարության 2011 թվականի հուլիսի 7-ի թիվ 992-Ն որոշման պահանջներին համապատասխան:

2. Մրցույթի մասնակից Գևորգ Պետրոսի Ազարյանը Մրցույթում հաղթող չի ճանաչվել Մրցութային հանձնաժողովի քվեարկությանը մասնակցած անդամների թվով՝ 1 կողմ, 6 դեմ և 0 անվավեր քվեաթերթիկների ամփոփման արդյունքում՝ համաձայն Հայաստանի Հանրապետության կառավարության 2011 թվականի հուլիսի 7-ի թիվ 992-Ն որոշման 62-րդ կետի:

3. Բողոքարկման հանձնաժողովը եզրակացրեց, որ Մրցութային հանձնաժողովի քվեարկության արդյունքում կազմված եզրակացության մեջ բացակայում է Գևորգ Պետրոսի Ազարյանի նկատմամբ որևէ ուղղորդվածություն:

Արտաշես Աղլոյան

Ալիկ Սահակյան

Արմեն Սաֆարյան

Դավիթ Հովսեփյան



ԱՐՁԱՆԱԳՐՈՒԹՅՈՒՆ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԼՈՌՈՒ ՄԱՐԶԻ «ԱԼԱՎԵՐԴՈՒ ԲԺՇԿԱԿԱՆ
ԿԵՆՏՐՈՆ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ՏՆՕՐԵՆԻ ԹԱՓՈՒՐ
ՊԱՇՏՈՆԻ ՀԱՄԱՐ ԱՆՑԿԱՑՎԱԾ ՄՐՑՈՒՅԹԻ ԱՐԴՅՈՒՆՔՆԵՐԻ ՎԵՐԱԲԵՐՅԱԼ
ԲՈՂՈՔԸ ՔՆՆՈՂ ՀԱՆՁՆԱԺՈՂՈՎԻ ՆԻՍՏԻ**

Հիմք ընդունելով Հայաստանի Հանրապետության Լոռու մարզի «Ալավերդու բժշկական կենտրոն» փակ բաժնետիրական ընկերության տնօրենի թափուր պաշտոնի համար անցկացված մրցույթի /այսուհետ՝ Մրցույթ/ մասնակից Գևորգ Պետրոսի Ազարյանի 2019 թվականի հոկտեմբերի 8-ի դիմումը, Հայաստանի Հանրապետության Լոռու մարզպետարանի վարչական շենքում 2019 թվականի հոկտեմբերի 11-ին տեղի ունեցավ Հայաստանի Հանրապետության Լոռու մարզի «Ալավերդու բժշկական կենտրոն» փակ բաժնետիրական ընկերության տնօրենի թափուր պաշտոնի համար անցկացված մրցույթի արդյունքների վերաբերյալ բողոքը քննող հանձնաժողովի նիստը:

Նիստին մասնակցում էին Հայաստանի Հանրապետության Լոռու մարզի 2019 թվականի հոկտեմբերի 11-ի թիվ 528 կարգադրությամբ ստեղծված հանձնաժողովի բոլոր անդամները:

1. Արտաշես Աղլոյան - ՀՀ Լոռու մարզպետարանի անձնակազմի կառավարման բաժնի պետ
2. Ալիկ Սահակյան - ՀՀ Լոռու մարզպետարանի իրավաբանական բաժնի պետ
3. Դավիթ Հովսեփյան - ՀՀ առողջապահության նախարարության անձնակազմի կառավարման վարչության գլխավոր մասնագետի պաշտոնակատար
4. Արմեն Սաֆարյան - ՀՀ առողջապահության նախարարության բժշկական օգնության քաղաքականության վարչության բժիշկ-փորձագետ

Հանձնաժողովի կողմից ուսումնասիրվեց Գևորգ Պետրոսի Ազարյանի կողմից գրված Մրցույթի կազմակերպության զարգացման նախնական ծրագրի վերաբերյալ փուլի արդյունքները ուղղորդված լինելու մասին դիմում-բողոքը, ինչպես նաև մրցութային փաթեթում առկա փաստաթղթերը: Բողոքի քննարկմանը՝ բողոքարկման հանձնաժողովի կողմից, հրավիրվեցին Մրցութային հանձնաժողովի անդամներ՝ Լոռու մարզպետի տեղակալ Գայանե Մարկոսյանը և մարզպետարանի առողջապահության և սոցիալական ապահովության վարչության պետի Ժամանակավոր պաշտոնակատար Արթուր Մխիթարյանը: